



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt VIII.

urn:nbn:de:hbz:466:1-11453

illum, quiq; electus erat Osnaburgensis episcopus, iā dudum omīssa ecclesia, cum nepotibus suis consilio præsesser in Holsatia, multis rebus per prudentiam benè constitutis, cum senectū illi morbus, quo podager laborabat, properaret, finem viuendi fecit, tumulatus in sepulcro patrum suorum in Itzeho monialium ecclesia: & iam in solis tribus ducibus, Gerhardi in Thietmarsia casi filijs, Holsatia dominatus permansit. Exindē senior triū Henricus, iam XXV. penē agens annum, princeps sensatus, rerum gubernacula apprehendit, & res direxit: quod partim superioribus locis propter rerum consequentiam, partim in Dania signauimus.

CAPVT VIII.

Dirum per ea tempora bellum fuit Bernhardo duci Brunswiccenſi, & Wilhelmo Luneburgenſi, Iohanni episcopo Halberſtadenſi: quibus subiectæ vrbes, arma, impedimenta, milites suppeditarunt. Accessere his Henricus dux Sleswiccenſis, Adolphus frater eius, & indē ubi amplior exarſit indignatio, etiā marchio Brandenburgensis hac parte constitit, aduersus Iohannem episcopum Hildesemensem, & splendidam militiā eius: cui opem tulere, Otto Monasteriensis episcopus, frater eius de Honſten, de Hoia, de Spiegelberg comites: multa magnaq; inuicē illata sunt detrimenta: direptione agrorum & oppidorum, incendijs domorum, conculcatione frugum, captiuitatibus hinc atq; indē militatium: Nec potuit per multos dies ea commotio grauis ullis sedari remedijs. Tāta fuit in partibus animosa pertinacia, ea superandi contentio. capti aliquot in armis canonici, ut est eius generis consuetudo, cum se secularibus miscerant armis: nec iniuste, qui gladio pugnat, gladio contremiscit. Quo tēpore Fridericus marchio Brādenburgensis,

sis, cum à Ludouico duce Bauaria iam absens & longinquus in sua ditione contēneretur, nonnihilq; illi vel damni, vel ignominia irrogatū esset, in inferioribus Marchie sua partibus agenti, postq; aliter res agi non potuit, hostilia & capitis periculum illi denunciāns, ita armis in eum detonuit, vt contemni non posset: Nā progressus in ducatū Bauaria, arces, oppida, vrbes numero XXXVI. aut vastauit, aut euertit, aut sua fecit ditionis: Vnde in reliquum id nominis consequutus est, vt non facile vel absens, vel presens à quouis lacefferetur. Hoc est illud tempus, quo maximè in Hollandia atq; Selandia, maris inundationes, vrbes & agros subuerterunt. Dordracum insignis vrbs, magno sui parte periclitatur: Vicini agri parochia sedecim, ita cum populo absorpta perierunt, vt nulla sit reliqua spes recuperandarum: lacera cernuntur reliquia, decursu maris vndas retrahente per vices. Per idem tempus, cum Phrisij occidui Iohanni duci Bauaria pridem Leodiensi episcopo, nunc Hollandiae gubernatori subijcere colla cœpere, armis edomiti, passim sunt opportunis locis firmari praesidia: Sed non est diuturnum coactum imperium. Vix tribus mensibus ea mens durauit in populo: Rursus conspirantes, eius deiecere praesidia: Impositos gubernationi Hollandinos, aut fuderunt, aut in fugam conuerterunt. Scauriam oppidum, quod genti caput esse constituit, illic constituto comitatu, qui cuncta pro arbitrio gubernaret, eiecit is qui defenderant, in antiquam se libertatem vendicârunt.

CAPVT IX.

Vilhelmus Luneburgensis, & Otto Bernhardifilius Brunswicensis duces, arma in hostes suos Hildesemenses produxere. Cum arcem Grone oppugnare stitissent, ibi viribus inuicem collatis, acerrimè illa pugna-